



THE RALLY FOR DEMOCRACY AND PROGRESS (RDP)



P. O. Box 81500 Olympia, Windhoek * Tel/Fax: +264 (0)61 255 973 * Fax2E-mail: +264 (0)886 15 773 *
Email: hq@rdp.org.na * 18 Schönlein Street, Windhoek West * Website: www.rdp.org.na

Department of Information, Communication Technology and Publicity

January 2017

Shiiva Elalakano lOudemokoli wEengudu dihapu nOmahoololo

Ongudu yopapolotika yEngungo lOdemokoli nExumokomesho (RDP) otai ti shiwana sha Namibia shiiva onunhu woye neenghono odo wa pewa koufemba woye wopaudemokoli. Didilika nawa kutya opena ekwatafano pokati kokuhoodola kwoye nonghahamwenyo yoye omo u li paife neenghahamwenyo omo muna yo ovanhu vakweni. Omunhu keshe ota kondjo opo a kale monghahamwenyo tai hafifa olutu nomwenyo waye.

Luhapu oto hange oshiwana tashi kondjo notashi kendabala okweeta elunduluko liwa monghalo yasho. Omukalo umwe wokweetifa omalunduluko a tya ngaha moshwana oo omahoololo, haa ningwa moilando, moikandjohoololo nopamufika wopashwana opo hapu hoololwa omutumba wopashwana nomupresidente woshilongo. Efimbo nefimbo oshiwana ohashi hoolola nee opo shi tule ongudu imwe ile eengudu da yooloka koshipundi opo di longife eliko loshilongo noloshiwana mokweetela oshiwana omauwa elili nokulili oo taa wapalele eenghahamwenyo dovakwashiwana pamapupi opaife nokomapupi okomesho.

Ngeenge ove onga omuhoololi owa mono kutya mboli ongudu ei wa tula koshipundi, nowe i pa oufemba wokulongifa eliko loye mouwa woye nowovanhu aveshe, itai wanifa po omaudaneko ayo, nena oufemba woye okulundulula ehoololo loye ove u yandje omhito kongudu imwe ilili u tale kutya yo otai eta elunduluko nokuwapaleka onghahamwenyo yoshiwana ngahelipi.

Ngeenge owe shi ningi omukalondjiikilile okuhoolola ongudu yonhumba nonande ongudu yatya ngaha otai nyengwa okweeta diva omalunduluko oo taa wapalele eenghahamwenyo dovakwashiwana, nena ongudu yatya ngaho oto i etele i ku shiive oupofi yo i ku ninge kutya ove owa ika nowa tambula ko onghalo youhaku wanghundipala, yokuhena oilonga, yokuhena omaumbo, yokuhena edu, yokuhena aemeno lelixwapo, yehongo langhundipala, yondjala noluhepo itali xulu, noyeemumbwe domeva, domalusheno osho yo deendjila.

Eshi nee shiwana wa kala noufemba ou wokuhoodola paudemokoli oule womido adishe 26, osho tuu nee wa pashuka ove u didilike kutya mboli ongudu ei ya kala tai pangele inai wanifila po oshiwana ashishe omalalakano nomauwa asho ndele oohandimwe ashike, nonande eliko loshilongo olo ongudumangeli ya kala tai longifa olomukwashiwana keshe? Ngeenge owa kala ino pashuka fiyo onena, efimbo lokupashuka ola fika nee, opo u dule okweeta oshilongo shoye Namibia pamufika opo pena oilongo ikwao omo ovakwashiwana ve udite ko nawa oudemokoli. Koilongo yatya ngaha, omolwa ovakwashiwana vayo ovo ve uditeko nawa oudemokoli nohava hoolola nelalakano lokweeta omalunduluko, oko nee luhapu haku lotokele ovawiliki vongudu yOshiwapo ei tai nyengwa okweetela ovakwashiwana va Namibia aveshe eameno nomauwa elixwapo.

Engungo lOdemokoli nExumokomesho, RDP, ole lilongekida okulineekelelwa elelo loshiwana pamifika da yooloka, fye tu duleni okuninga Namibia Edu lOmapendafule shili.

Together, We Can Do Better!

By: Nghiningilwandubo Kashume
Secretary of Information and Publicity